

Komitmen UCSI dalam melaksanakan aspirasi



Sesi forum kedua yang membincangkan implikasi SDG atau sasaran pembangunan lestari pada tenaga, kajian dan perniagaan untuk siap sediakan universiti.

Demi menyahut seruan kerajaan dalam aspirasi pembangunan lestari, Universiti UCSI (University College Sedaya International) buat pertama kalinya telah menganjurkan *SDG Conference - Is Malaysia Prepared?*, baru-baru ini.

Agenda persidangan bertempat di UCSI kampus Kuala Lumpur ini bertujuan

memperkenalkan dan meningkatkan kesedaran konsep sasaran pembangunan lestari atau SDG kepada mahasiswa institusi pendidikan tinggi di Malaysia, serta menilai tahap kesediaan Malaysia untuk menuju ke arah sasaran pembangunan lestari.

"Universiti UCSI memberi komitmen sepenuhnya untuk melaksanakan agenda

sasaran pembangunan lestari. Kami telah melancarkan beberapa inisiatif, acara dan aktiviti menarik seperti persidangan ini bagi mempraktikkan usaha pelaksanaan SDG pada tahap pendidikan tinggi," kata Naib Canselor dan Presiden Universiti UCSI, Profesor Kanan, Datuk Dr Khalid Yusoff pada awal sesi persidangan.

Dalam persidangan ini juga, Naib

Presiden Hal Ehwal Korporat UCSI Group, Leong Sat Sing, telah melancarkan laman web MySDGStep yang membolehkan penuntut dan masyarakat berkongsi aktiviti dan acara mereka serta memulakan perbincangan berkaitan pembangunan lestari.

Selain itu, program turut diserikan dengan pembentangan wakil pelajar UCSI dikenali Youth Beyond Boundaries yang mempamerkan acara dan aktiviti-aktiviti pernah dan bakal diadakan UCSI demi mempraktikkan agenda SDG.

Profesor Datuk Dr. Ahmad Ibrahim, selaku penceramah utama membentangkan topik impak sasaran pembangunan lestari secara global menuju ke arah 2030.

Turut dibincangkan adalah situasi dan pelaksanaan SDG terkini di Malaysia yang mana ahli panel menekankan bahawa perancangan strategik perlu dipraktikkan pihak kerajaan dan Kementerian bagi memastikan sasaran pembangunan lestari dilaksanakan dengan betul.

Topik menarik lain adalah implikasi SDG atau sasaran pembangunan lestari pada tenaga, kajian dan perniagaan untuk siap sediakan universiti, dikendalikan Profesor Dr Tajudin Mohd Raddi dari Universiti UCSI.

"Pengenalan sistem purata nilai gred kumulatif bersepadu (ICGPA) oleh Kementerian Pendidikan akan menggalakkan lagi pelaksanaan SDG," kata Profesor Datuk Dr Mazlin Mokhtar.